



DASAR LANDSKAP NEGERI SABAH

“Ke Arah Pembangunan Landskap Yang Berkualiti, Berdaya Huni Dan Beridentiti Demi Kesejahteraan Negeri”



Edisi pertama
Tahun 2022

© Hakcipta Terpelihara

Tidak dibenarkan mengeluarkan ulang atau mana-mana bahagian, artikel, ilustrasi dan kandungan buku ini dalam apa jua bentuk samada secara elektronik, fotokopi, mekanik rakaman atau cara lain tanpa kebenaran daripada penerbit.

Diterbitkan oleh;
Kementerian Kerajaan Tempatan dan Perumahan Negeri Sabah,
Tingkat 4-6, 10,11,15-18, Wisma Innoprise,
Jalan Sulaman, Teluk Likas,
88817 Kota Kinabalu
Sabah, Malaysia

Dicetak oleh:
Jabatan Cetak Kerajaan Sabah
Km.4, Jalan Tuaran
Beg Berkunci 2004
88554 Kota Kinabalu, Sabah.

KANDUNGAN

PERUTUSAN KHAS

Menteri Kerajaan Tempatan Dan Perumahan
Merangkap Menteri Kewangan II

PERUTUSAN

Setiausaha Kerajaan Negeri

KATA-KATA ALUAN


Setiausaha Tetap Kementerian Kerajaan Tempatan Dan Perumahan

1.0	PENGENALAN	1	4.0	DASAR LANDSKAP NEGERI	10
	1.1 Aspirasi			4.1 Prinsip Dasar Landskap Negeri	
	1.2 Definisi Landskap			4.2 Teras Dasar Landskap Negeri	
2.0	PERANAN DAN RASIONAL DASAR LANDSKAP NEGERI	6	5.0	PELAN TINDAKAN DASAR LANDSKAP NEGERI	13
	2.1 Rasional Keperluan Dasar				
	2.2 Kepentingan DLNS				
3.0	PENEMUAN ANALISIS ISU	8	6.0	BIDANG KUASA PELAKSANAAN DASAR	25

SINGKATAN

GLOSARI

PENGHARGAAN





PERUTUSAN KHAS

MENTERI KERAJAAN TEMPATAN DAN PERUMAHAN MERANGKAP MENTERI KEWANGAN II

YB DATUK SERI PANGLIMA HAJI MASIDI BIN MANJUN

Assalamualaikum Warahmatullahi Wabarakatuh.

Pembangunan fizikal yang tidak terancang dan terkawal serta dilaksanakan secara tidak lestari mengakibatkan pelbagai isu alam sekitar seperti kejadian banjir kilat dan tanah runtuh berlaku. Salah satu cara untuk mencegah dan mengurangkan kesan bencana alam ini adalah melalui pemeliharaan dan pemuliharaan elemen semula jadi. Justeru, landskap dilihat sebagai elemen semula jadi yang berfungsi di dalam mengekalkan keseimbangan alam sekitar. Kepentingan landskap terutamanya pengekalan dan penanaman pokok berkesan mengawal pencemaran udara, suhu persekitaran, menstabilkan iklim, mengurangkan masalah hakisan tanah dan mengawal kestabilan ekosistem flora dan fauna.

Sehubungan itu, di bawah kementerian ini, Dasar Landskap Negeri Sabah (DLNS) digubal bagi menyediakan persekitaran kehidupan yang indah, selesa dan selamat sebagai satu prasyarat meningkatkan kualiti hidup yang menyeluruh. Dasar ini juga akan memudahkan cara dan memacu pembangunan negeri ke arah landskap yang menarik dan menyumbang kepada pertumbuhan ekonomi setempat melalui pertumbuhan industri di peringkat negeri. Melalui DLNS juga , aset semula jadi yang berharga dapat dipelihara dan dipulihara untuk tatapan generasi kini dan akan datang.



PERUTUSAN

SETIAUSAHA KERAJAAN NEGERI

YB DATUK SERI PANGLIMA SR. HAJI SAFAR BIN UNTONG, J.P.

Assalamualaikum Warahmatullahi Wabarakatuh.

Pembangunan fizikal yang tidak dikawal dan dirancang dengan berkesan sedikit sebanyak menjejaskan keharmonian ekosistem semula jadi lantas menjejaskan persekitaran setempat dan memberi kesan jangka panjang kepada generasi akan datang.

Menyedari hakikat tersebut, DLNS digubal dan berperanan untuk mengimbangi pembangunan landskap negeri Sabah dengan menitikberatkan aspek perancangan kawasan hijau dengan lebih teliti di samping memberi tumpuan kepada pembangunan ruang landskap yang berfungsi dan mampan. Ini termasuklah pembinaan infrastruktur hijau yang berdaya maju seperti taman-taman awam dan kawasan rekreasi, penghijauan bandar serta usaha-usaha pemeliharaan serta pengekalan aset semula jadi landskap.

Justeru itu, dasar ini dilihat sebagai satu platform bagi suatu usaha perancangan pembangunan landskap yang berkualiti, teratur dan selamat negeri Sabah.



KATA-KATA ALUAN

SETIAUSAHA TETAP KEMENTERIAN KERAJAAN TEMPATAN DAN PERUMAHAN

YBHG.DATUK DR.JAMILI NAIS

Salam Sejahtera.

Setinggi-tinggi kesyukuran kerana dengan izin-Nya jua Dasar Landskap Negeri Sabah (DLNS) ini dapat disediakan dan diluluskan oleh Kerajaan.

Dasar Landskap Negeri Sabah (DLNS) digubal bagi menyediakan persekitaran kehidupan yang indah, selesa dan selamat sebagai satu prasyarat meningkatkan kualiti hidup yang menyeluruh. Berdasarkan keperluan dan kepentingan landskap kepada pembangunan fizikal, ekonomi dan sosio-budaya, adalah diharapkan dokumen akan menjadi pemacu kepada pembangunan landskap yang menyeluruh di negeri Sabah.

Penyediaan DLNS menjadi panduan kepada hala tuju pembangunan landskap di negeri Sabah bagi memastikan masyarakat hidup dalam persekitaran yang indah, selesa dan selamat. Di samping itu, kita juga akan terus berusaha supaya sumber semula jadi landskap negeri akan terpelihara untuk faedah generasi hari ini dan diwariskan kepada generasi akan datang.

Adalah menjadi harapan kita supaya DLNS ini dapat membangunkan ketamadunan negeri kita disamping memelihara alam semula jadi sedia ada sebagai khazanah dan warisan. Pelaksanaan semua strategi dan pelan tindakan DLNS memerlukan komitmen semua pihak dalam memastikan visi yang digariskan dapat dicapai.



DASAR LANDSKAP NEGERI SABAH



1.0 PENGENALAN

Dasar Landskap Negeri Sabah (DLNS) merupakan panduan yang komprehensif dalam meletakkan hala tuju pembangunan landskap negeri Sabah. Pembentukan dasar ini, merangkumi strategi dan pelan tindakan yang mampu menjadi pemangkin kepada pembangunan landskap negeri. Penggubalan dan pelaksanaan DLNS yang bermatlamatkan ke arah pembangunan Landskap Yang Berkualiti, Berdaya Huni dan Beridentiti demi kesejahteraan negeri, akan dapat memacu negeri ke arah pencapaian persekitaran hidup yang berkualiti dan menyeluruh (*total quality living environment*) di samping meningkatkan identiti landskap negeri yang semula jadi dan unik.

1.1 ASPIRASI

Kerajaan negeri Sabah terus komited dalam pembangunan landskap bagi memastikan landskap negeri berada dalam keadaan baik khususnya komponen landskap semula jadi yang kaya di negeri ini. Pendekatan utama dalam memulihara eksosistem semula jadi di Sabah adalah melalui perlindungan ekosistem daratan iaitu pengekalan dan pemuliharaan alam sekitar untuk menangani pemanasan global dan meningkatkan tahap sosioekonomi masyarakat tempatan di Sabah. Oleh yang demikian, DLNS dilaksanakan untuk merancang dan melaksanakan pengurusan sumber semula jadi yang berkesan selaras dengan prinsip Dasar Landskap Negara.



Dasar Landskap negeri berupaya untuk:

- **Memacu Ekonomi Tempatan**

Melalui penyediaan persekitaran landskap yang kondusif dan beridentiti untuk menarik lebih ramai pelancong dari dalam dan luar negeri.

- **Ke Arah Pembangunan Holistik Dan Mampan**

Melalui perancangan, pembangunan dan pengurusan landskap yang berkesan.

- **Mengutamakan Kesejahteraan Rakyat**

Melalui penyediaan ruang landskap yang mencukupi untuk tujuan rekreasi dan interaksi sosial masyarakat di Sabah yang terdiri daripada pelbagai kaum. Hasrat ini dapat dicapai melalui pengekalan dan pemuliharaan sumber alam semula jadi yang sedia ada di negeri Sabah. Pelaksanaan pembangunan yang terancang serta sistem pengurusan landskap yang berkesan mewujudkan persekitaran hidup yang kondusif serta menggalakkan pertumbuhan sosioekonomi kearah pembentukan masyarakat tempatan yang beretika dan berbudaya.





1.2 DEFINISI LANDSKAP

Landskap merupakan persekitaran yang didiami oleh setiap individu. Ia membawa maksud yang luas merangkumi struktur geologi tanah, flora dan fauna, corak aktiviti manusia seperti perladangan, perhutanan, penempatan dan perindustrian. Ia juga merupakan interaksi di antara sumber semula jadi dengan keperluan manusia yang merangkumi usaha mengkagumi keindahan dan nilai estetik, seni bina serta keseluruhan ekologi dan sejarah sesuatu kawasan.

Dalam konteks DLNS, landskap bermaksud satu ekosistem yang meliputi alam semula jadi dan alam binaan. Landskap alam semula jadi merangkumi bentuk rupa bumi, geologi, badan air serta flora dan fauna. Landskap binaan pula merangkumi penempatan, kawasan perladangan, kawasan lapang, taman awam, kawasan awam serta kawasan warisan dan pelancongan yang merangkumi keindahan dan nilai estetik, seni bina serta keseluruhan ekologi dan sejarah sesuatu kawasan.

2.0 PERANAN DAN RASIONAL DASAR LANDSKAP NEGERI SABAH

DLNS disediakan sebagai suatu panduan operasi bagi Kerajaan Tempatan dan Pihak Berkuasa Tempatan (PBT) bagi merancang dan menguruskan sumber alam melalui pendekatan ekosistem yang mampan. Penggubalan dasar ini, mengambil kira dasar sedia ada dan bertujuan memperkukuhkan secara terperinci kepada perancangan pembangunan landskap di peringkat PBT dalam memandu dan mengawal pembangunan landskap di seluruh Sabah mengikut keperluan semasa dan keadaan setempat.





2.1 RASIONAL KEPERLUAN DASAR

Dasar Landskap Negeri digubal bagi **menyediakan persekitaran kehidupan yang indah, selesa dan selamat sebagai satu prasyarat meningkatkan kualiti hidup yang menyeluruh.** Selain itu, dasar ini juga akan memudah cara dan memacu pembangunan negeri ke arah landskap yang menarik dan menyumbang kepada pertumbuhan ekonomi setempat melalui pertumbuhan industri di peringkat negeri. Dalam pada itu, DLNS turut digubal bagi memelihara aset semula jadi sebagai warisan yang berharga untuk generasi kini dan akan datang. **Dasar ini juga menggariskan perancangan, pelan pengurusan dan peruntukan undang-undang yang seragam dalam pengawalan dan penguatkuasaan pembangunan landskap** bagi keperluan kawasan lapang dan kawasan hijau di bandar-bandar utama bagi menyediakan keperluan ruang yang seimbang dengan pembangunan semasa serta berkualiti kepada masyarakat setempat.

2.2 KEPENTINGAN DLNS

1. Landskap yang menarik menyumbang kepada pertumbuhan ekonomi negeri.
2. Usaha memelihara sumber landskap semula jadi dan alam sekitar
3. Mewujudkan mekanisma pengurusan dan pembangunan bagi persekitaran landskap negeri yang tersendiri
4. Keperluan bagi mewujudkan perancangan, pelan pengurusan dan peruntukan yang jelas, teratur dan seragam
5. Menyediakan landasan bagi tujuan pengukuhan organisasi di peringkat kerajaan negeri dan PBT



3.0 PENEMUAN ANALISIS ISU

DLNS akan menjadi panduan kepada pembangunan landskap negeri untuk memastikan sumber dan aset landskap negeri diuruskan dengan sistematik. Pendekatan ini adalah sejajar dengan perkembangan semasa dalam usaha menangani isu perubahan iklim dunia dan pemanasan global. Analisa SWOT dari aspek sosial, ekonomi, alam sekitar serta perspektif profesional dalam menentukan kekuatan sektor landskap terhadap pembangunan negeri Sabah khususnya.

KEKUATAN / STRENGTHS

- Kepelbagaian sumber dan aset landskap semula jadi di Sabah yang menarik dan masih terpelihara.
- Landskap alam semula jadi yang pelbagai merupakan penyumbang ekonomi negeri Sabah.

KELEMAHAN / WEAKNESSES

- Aspek penguatkuasaan landskap yang lemah berikutan ketiadaan undang-undang & rangka kerja yang khusus
- Tiada medium koordinasi yang seragam di antara Kerajaan Persekutuan dan Negeri di dalam menguatkuasakan pembangunan landskap negeri.
- Kekurangan peluang dan kemudahan latihan serta pembangunan modal insan di kalangan warga kerja organisasi landskap di setiap PBT.

ANALISIS SWOT

PELUANG / OPPORTUNITIES


- Pembangunan landskap berpotensi untuk dijadikan sebagai pemangkin kepada peningkatan kualiti sosiobudaya.
- Peluang mempromosikan kepelbagaian sumber landskap semula jadi sebagai aset pelancongan.
- Peluang memasarkan industri berasaskan landskap
- Pembangunan modal insan dari segi pengetahuan teori, kemahiran teknikal, kecekapan dan inovasi.

ANCAMAN / THREATS

- Aspek landskap yang luas mengakibatkan berlakunya pertindihan fungsi dan peranan antara profesional yang berkait rapat dengan landskap.
- Ketidaktahuan dan persepsi yang salah terhadap landskap menyebabkan kepentingan landskap tidak diutamakan.


4.0 DASAR LANDSKAP NEGERI

DLNS disediakan sebagai satu panduan yang sistematik di peringkat negeri, seimbang kepada pembangunan fizikal bagi mewujudkan landskap negeri yang berkualiti dan teratur di samping pengekalan identiti tersendiri dan aset semula jadi yang terpelihara.



4.1 PRINSIP DASAR LANDSKAP NEGERI

Prinsip DLNS adalah seperti berikut:



4.2 TERAS DASAR LANDSKAP NEGERI

Berdasarkan kepada prinsip-prinsip DLNS, tujuh (7) teras utama yang menjadi tonggak utama dasar ini adalah seperti berikut;

T1

Memperkukuhkan dan memantapkan organisasi dan sumber manusia yang kompeten untuk pembangunan landskap negeri

T2

Memantapkan aspek perundangan bagi perancangan, pembangunan dan pengurusan landskap negeri

T3

Memantapkan dan mempertingkatkan kualiti landskap untuk membantu meningkatkan kualiti hidup yang lebih kondusif

T4

Mengutamakan pembangunan landskap yang berfungsi dan mampan bagi penyediaan infrastruktur hijau

T5

Membudayakan kecintaan terhadap landskap

T6

Memelihara landskap semula jadi sebagai warisan

T7

Memacu pembangunan industri landskap negeri

5.0 PELAN TINDAKAN DASAR LANDSKAP NEGERI

TERAS 1 **MEMPERKUKUH DAN MEMANTAPKAN ORGANISASI DAN SUMBER MANUSIA YANG KOMPETEN UNTUK PEMBANGUNAN LANDSKAP NEGERI**

STRATEGI 1

Memastikan pembangunan modal insan yang berpengetahuan dan berkemahiran profesional dalam bidang landskap.

PELAN TINDAKAN

1. Meningkatkan kepakaran tenaga kerja yang mahir dan profesional.
2. Meningkatkan bilangan institusi dan mewujudkan program pengajian landskap dalam konteks tempatan.

AGENSI PELAKSANA



NGO

IPTA

IPTS



STRATEGI 2

Memantapkan struktur organisasi berkaitan landskap di peringkat negeri dan Pihak Berkuasa Tempatan.

PELAN TINDAKAN

1. Mewujudkan dan memperkukuhkan organisasi landskap serta skop kerja bidang landskap di setiap PBT.

AGENSI PELAKSANA



PBT




PAN
SABAH



IPTA

IPTS

UPEN




STRATEGI 3

Memperkukuhkan profesion landskap tempatan.

PELAN TINDAKAN

1. Meningkatkan kualiti, amalan dan kecekapan juruperunding landskap sedia ada.
2. Menggalakan lebih ramai serta menambahkan bilangan juruperunding landskap di Sabah.

AGENSI PELAKSANA



TERAS 2

MEMANTAPKAN ASPEK PERUNDANGAN BAGI PERANCANGAN, PEMBANGUNAN DAN PENGURUSAN LANDSKAP NEGERI

STRATEGI 1

Menyediakan perundangan yang berkaitan dengan landskap.

PELAN TINDAKAN

1. Menyediakan Perundangan yang berkaitan dengan landskap.
2. Menubuhkan jawatankuasa induk peringkat negeri bagi memandu hala tuju landskap negeri.
3. Melaksana dan menguatkuasakan undang-undang berkaitan landskap di setiap kawasan pembangunan.

AGENSI PELAKSANA



TERAS **3** MEMANTAPKAN DAN MEMPERTINGKATKAN KUALITI LANDSKAP UNTUK MEMBANTU MENINGKATKAN KUALITI HIDUP YANG LEBIH KONDUSIF

STRATEGI **1**

Penyediaan satu bentuk rujukan yang jelas dan kuantitatif di dalam memandu dan mengawal pembangunan Landskap.

PELAN TINDAKAN

1. Menerima pakai, melaksana, dan menguatkuasa piawaian / garis panduan / polisi berkaitan landskap sebagai rujukan pembangunan.
2. Menyediakan dokumen perancangan Pelan Induk Landskap Daerah.
3. Penyediaan pelan pengurusan dan penyelenggaraan landskap kepada PBT.

AGENSI PELAKSANA



STRATEGI 2

Menterjemahkan hierarki kawasan lapang dalam pelan daerah dan tempatan.

PELAN TINDAKAN

1. Tanggungjawab dan pemertuaan kawasan lapang oleh PBT.

AGENSI PELAKSANA



PBT



UPEN



TERAS 4 MENGUTAMAKAN PEMBANGUNAN LANDSKAP YANG BERFUNGSI DAN MAMPAN BAGI PENYEDIAAN INFRASTRUKTUR HIJAU

STRATEGI 1

Merancang dan melaksana elemen teknologi hijau dalam pembangunan landskap.

PELAN TINDAKAN

1. Menggalakan penggunaan bahan binaan landskap yang berkonsepkan teknologi hijau.
2. Adaptasi teknologi hijau dari luar untuk diplikasi dalam pembangunan landskap negeri.
3. Melestarikan jaringan hijau bagi mengimbangi pembangunan fizikal di kawasan bandar.

AGENSI PELAKSANA



STRATEGI 2

Kerjasama pihak kerajaan dan swasta dalam membantu merealisasikan program infrastruktur hijau.

PELAN TINDAKAN

- 1. Platform perkongsian maklumat dan teknologi di antara profesion dan agensi yang berkaitan.
- 2. Mewujudkan program kerjasama dari badan sukarela yang berkaitan dengan alam sekitar dan teknologi bidang Landskap.

AGENSI PELAKSANA



TERAS 5 MEMBUDAYAKAN KECINTAAN TERHADAP LANDSKAP

STRATEGI 1

Mendidik dan memupuk kesedaran kepada semua peringkat umur untuk menghargai landskap.

PELAN TINDAKAN

1. Mempromosi kepentingan landskap melalui hebahan seperti media cetak dan elektronik.
2. Menyelaras usaha yang melibatkan kesedaran dan penglibatan awam dalam pemeliharaan landskap.
3. Memperkenalkan sistem pendidikan yang berkaitan dengan bidang landskap.
4. Menggalakkan kerjasama strategik dalam kalangan profesional landskap dan institusi bagi memperluaskan dan memajukan industri landskap tempatan.
5. Menggalakkan penggunaan aplikasi sains dan teknologi dalam bidang landskap.
6. Pemeliharaan landskap pertanian sebagai aset agro-pelancongan.

AGENSI PELAKSANA



TERAS 6 MEMELIHARA LANDSKAP SEMULA JADI SEBAGAI WARISAN


STRATEGI 1

Tadbir urus aset semula jadi negeri.

PELAN TINDAKAN

1. Pemeliharaan dan pemertaaan kawasan landskap semula jadi yang bernilai tinggi termasuk kawasan sensitif sekitar.
2. Mempertingkatkan kaedah kawalan pembangunan pengurusan kawasan Landskap semula jadi bagi mengekalkan identiti setempat.
3. Menitikberatkan kualiti visual dan persekitaran landskap semula jadi dalam pembangunan.
4. Mengoptimumkan pemeliharaan dan pemuliharaan biodiversiti dan landskap semula jadi untuk keseimbangan keharmonian ekosistem.
5. Menggalakkan penglibatan pihak swasta dan individu dalam usaha pemeliharaan dan pemuliharaan landskap warisan dalam negeri.

AGENSI PELAKSANA



TERAS 7 MEMACU PEMBANGUNAN INDUSTRI LANDSKAP NEGERI


STRATEGI 1

Mewujudkan penyelidikan dan pembangunan (R&D) landskap.

PELAN TINDAKAN

1. Menyediakan pembiayaan dan insentif untuk R&D industri landskap.
2. Menjadi pusat rujukan/ *one stop center* data landskap di peringkat negeri.
3. Menggalakan pengumpulan, penyelarasan dokumentasi dan perkongsian maklumat hasil penyelidikan yang berkaitan dengan pembangunan landskap.

AGENSI PELAKSANA



STRATEGI 2

Mengembangkan industri landskap negeri.

PELAN TINDAKAN

1. Mewujudkan intensif untuk meningkatkan penganjuran dan promosi program.
2. Meningkatkan promosi penganjuran program berkaitan industri landskap.
3. Pematuhan piawaian bagi produk dan kualiti perkhidmatan industri landskap.
4. Menyediakan penawaran pembiayaan, geran pinjaman dan intensif serta memberikan anugerah dan pengiktirafan.

AGENSI PELAKSANA



6.0 BIDANG KUASA PELAKSANAAN DASAR

KERAJAAN PERSEKUTUAN

Jabatan Landskap Negara

- Pelaksana & Pemantau
- Pemangkin DLN

KERAJAAN NEGERI/PIHAK BERKUASA NEGERI

- Penyediaan, Penyelarasan Dan Pemantauan Dasar
- Penyediaan & Pengurusan Infrastruktur Landskap Menyeluruh
- Kawalan Pembangunan Landskap
- Penyeliaan Pembangunan
- Kawalan Kualiti Perkhidmatan
- Penyediaan Khidmat Teknikal
- Pengurusan & Penyelenggaraan Landskap
- Pembangunan Industri & Promosi Landskap Tempatan
- Sokongan Sumber Peruntukan
- Pembangunan Modal Insan

JABATAN/AGENSI/TEKNIKAL/PBT

- Perancangan, Pelaksanaan Dan Kawalan Pembangunan Bagi Mencapai Kualiti Landskap Tempatan

PEMACU INDUSTRI LANDSKAP

- Khidmat pelaksana bagi pembangunan landskap

- SKN
- SAGC
- MOF
- KKTP
- JPAN
- Bahagian Kabinet Dan Dasar (JKM)
- SPANS
- KePKAS
- KSTi
- UPEN
- JPHTN
- JKR
- JPNS

- KKTP
- PBT
- JPBW
- JPS
- JTU
- JKR
- Pejabat-Pejabat Daerah
- ILAM
- JAS
- JPAS
- TTS

- Arkitek Landskap
- Perunding Landskap
- Pemaju
- Kontraktor
- Pembekal
- Tenaga Mahir
- Badan Landskap
- NGO
- Institusi

PENGHARGAAN

Kementerian Kerajaan Tempatan dan Perumahan (KKTP) merakamkan setinggi-tinggi penghargaan dan ribuan terima kasih kepada semua pihak yang terlibat sama ada di peringkat persekutuan, negeri dan tempatan dalam memberikan kerjasama dan sumbangan dalam menjayakan penyediaan DLNS. Penghargaan juga ditunjukkan khas buat wakil-wakil dari badan-badan profesional, institusi, badan-badan bukan kerajaan (NGO's) dan individu yang terlibat secara langsung atau tidak langsung dalam penyediaan DLNS.



SINGKATAN PERKATAAN

KKTP	Kementerian Kerajaan Tempatan dan Perumahan
PBT	Pihak Berkuasa Tempatan
MOF	Kementerian Kewangan
ILAM	Institut Arkitek Landskap Malaysia
JLN	Jabatan Landskap Negara
SAGC	Jabatan Peguam Besar Negeri Sabah
UPEN	Unit Perancang Ekonomi Negeri Sabah
SPANS	Suruhanjaya Perkhidmatan Awam Negeri Sabah
JPANS	Jabatan Perkhidmatan Awam Negeri Sabah
JPBW	Jabatan Perancang Bandar dan Wilayah
JPS	Jabatan Pengairan dan Saliran
JKR	Jabatan Kerja Raya
JAS	Jabatan Alam Sekitar
JPAS	Jabatan Perlindungan Alam Sekitar
JPNS	Jabatan Pendidikan Negeri Sabah
JPHTN	Jabatan Perhutanan Sabah
DOA	Jabatan Pertanian Sabah
JTU	Jabatan Tanah dan Ukur Sabah
KePKAS	Kementerian Pembangunan Pelancongan dan Alam Sekitar
SaBC	Sabah Biodiversity Centre
KBSS	Kementerian Belia dan Sukan Sabah
LPPB	Lembaga Pembangunan Perumahan & Bandar
JPPP	Jabatan Pembangunan Perindustrian Dan Penyelidikan
JMNS	Jabatan Muzium Negeri Sabah
KSTI	Kementerian Sains Teknologi Dan Inovasi Sabah
IPTA	Institut Pengajian Tinggi Awam
IPTS	Institut Pengajian Tinggi Swasta
TTS	Taman-Taman Sabah
CIDB	Lembaga Pembangunan Industri Pembinaan Malaysia
NGO	Organisasi Bukan Kerajaan

GLOSARI

Arkitek Landskap Berdaftar dan Bertauliah

Arkitek Landskap bertauliah yang berdaftar secara sah sebagai Ahli Korporat dengan Institut Arkitek Landskap Malaysia (ILAM).

Arkitek Landskap

Merupakan satu profesion yang terlibat secara langsung di dalam memberi perkhidmatan professional dalam pembangunan Landskap bermula daripada peringkat perancangan, rekabentuk, pelaksanaan dan pengurusan setiap projek pembangunan.

Industri Landskap

Merupakan rangkaian jaringan yang merangkumi kawasan lapang, kawasan hijau, taman-taman, wetlands, habitat semula jadi dan kawasan landskap semula jadi untuk pengekalan ekosistem

Kawasan Lapang

Mana-mana tanah samada dikepung atau tidak dikhaskan atau dirizabkan untuk dikhaskan keseluruhan atau sebahagiannya sebagai taman bunga awam, taman awam, padang sukan dan rekreasi awam, tempat makan angin awam, tempat jalan kaki awam atau sebagai suatu tempat awam.

Infrastruktur Hijau

Merupakan rangkaian jaringan yang merangkumi kawasan lapang, kawasan hijau, taman-taman, wetlands, habitat semula jadi dan kawasan landskap semula jadi untuk pengekalan ekosistem.

Landskap

Landskap merupakan persekitaran yang dialami oleh setiap individu. Ia membawa maksud yang luas merangkumi struktur geologi tanah, flora dan fauna, corak aktiviti manusia seperti perladangan, perhutanan, penempatan dan perindustrian. Ia juga merupakan interaksi di antara sumber semula jadi dengan keperluan manusia yang merangkumi usaha mengkagumi keindahan dan nilai estetik, senibina serta keseluruhan ekologi dan sejarah sesuatu kawasan.

Landskap Desa

Landskap di kawasan luar bandar merangkumi kawasan binaan yang berkepadatan rendah serta berasaskan alam persekitaran yang dipengaruhi oleh aktiviti sosio ekonomi dan budaya setempat.

yang menjadi tumpuan kepada pelbagai aktiviti ekonomi dan sosio budaya setempat. Ia merangkumi ruang landskap di kawasan penempatan yang terdiri daripada perumahan, kawasan komersial, institusi serta perindustrian

Landskap Pertanian

Landskap yang terbentuk daripada aktiviti manusia menerusi kegiatan pertanian, bergantung kepada faktor sosio ekonomi, budaya dan jenis pertanian yang dijalankan.

Landskap Semulajadi

Landskap yang terzahir daripada proses semula jadi.

Mampan

Mampu mengekalkan pencapaian ataupun prestasi yang baik.

Mesra Pengguna

Proses produk dan kemudahan yang disediakan tidak menyukarkan pengguna yang menggunakannya.

Pemeliharaan

Perbuatan memelihara, pembelaan, perawatan, penjagaan (pengolahan, penyelenggaraan), penyelamatan bertujuan untuk memberhentikan kemerosotan lanjut, reput atau keadaan usang dan menyediakan struktur yang selamat dan kukuh tetapi tidak menjangkakan pembangunan

Landskap Perbandaran

Landskap di kawasan perbandaran

Pendidikan Landskap

Aktiviti yang berkaitan dengan pengumpulan, pembangunan dan penyebaran ilmu pengetahuan secara formal dan tidak formal dalam bidang landskap bagi melahirkan tenaga mahir dan masyarakat yang berpengetahuan dan prihatin terhadap kualiti pelandskapan alam persekitaran yang merangkumi alam bina dan alam semula jadi.

Pulihara

Memulihara memulihkan serta memelihara (menjaga dsb), melindungi sesuatu supaya sentiasa berada dlm keadaan yang baik.

Senibina Landskap

Bidang yang menggabungkan seni dan sains dalam mewujudkan persekitaran luar yang seimbang diantara keperluan manusia dan alam semula jadi. Ia melibatkan manipulasi elemen dan sumber landskap secara bijaksana bagi menghasilkan landskap yang berfungsi, menarik dan selesa digunakan.

Pengurusan dan Penyelenggaraan Landskap

Program dan aktiviti yang berkaitan dengan pengurusan dan penyelenggaraan landskap bagi memastikan segala aspek yang berkaitan dengan pembangunan landskap mampan.

Perundangan Landskap

Suatu pernyataan bertulis yang digubal melalui peruntukan perundangan bagi mengawal selia semua aktiviti yang berkaitan dengan pembangunan landskap.

Taman Botani

Sebuah taman yang mengandungi koleksi pelbagai jenis tumbuhan yang ditanam dan dikekalkan dalam bentuk dan ciri-ciri asalnya. Tumbuh-tumbuhan tersebut direkod, dipamer, dikajiselidik dan dipelajari mengenai keistimewaannya. Ia juga digunakan sebagai satu sumber rekreasi pasif.

Teknologi Hijau

Merujuk kepada pembangunan dan aplikasi produk, peralatan serta system untuk memelihara alam sekitar dan alam semulajadi dan meminimumkan atau mengurangkan kesan negative daripada aktiviti manusia.

Visual Landskap

Pemandangan landskap yang mempunyai nilai dan keistimewaan tersendiri. Menjadikan sesebuah kawasan itu unik dengan karakter yang tersendiri

Taman Awam

Merupakan kawasan yang dirizabkan/diwartakan untuk aktiviti rekreasi dan riadah awam yang berteraskan kepada reka bentuk yang mengambilkira aspek pemuliharaan persekitaran, sosio-budaya dan pendidikan

Zon Penampan

Sebuah kawasan yang memisahkan di antara dua kawasan yang diperlukan untuk membezakan fungsi dan karakter sesebuah kawasan tersebut dengan yang lain

PENGHARGAAN



Disediakan Oleh :
BAHAGIAN LANDSKAP
KEMENTERIAN KERAJAAN TEMPATAN & PERUMAHAN SABAH

